



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Martini Bonacinæ Vtrivsque Signatvræ Referendarii
Compendium Omnim Operum de Theologia Morali,
omnibusque conscientiæ nodis**

Bonacina, Martino

Coloniæ Agrippinæ

Locatio & Conductio.

urn:nbn:de:hbz:466:1-41152

Locatio & Conductio.

Vide v. Contractus.

1. Locatio est contractus, quo mercede conceditur persona, vel res ad usum vel fructum; conductio vero est contractus, quo mercede accipitur persona vel res ad usum vel fructum. *tom. 3. de Contractibus, quæst. 7. punct. 1 n. 1.*

2. Omnes res quæ vendi possunt, possunt etiam locari, nisi specialis extet aliqua prohibitio, ut extat in viis & subjectiōibus prædiorum, quæ non possunt locari, quamvis vendi possint. Ex opposito dantur res aliquæ, quæ locari possunt, sed vendi prohibentur, quales sunt res pupilli & minoris. *ibid. num. 3.*

3. Quando duo vel plures habent domum, vel fundum communem, & unus vult unum locare, alter vero non vult; aut unus vult locare ad unum usum, alter ad alterum; aut unus locare vult personæ honestæ, alter inhonestæ, prævalet contractus illius qui habet majus ius in re, seu majorem partem, vel qui vult locare personæ honestæ, etiamsi fortè persona in honesta plus mercedis offerat. *ibid. num. 6.*

4. Locator teneturne aperire conductori vitia rei locatae? Tenetur, sicut & vendor tenetur aperire vitium rei venditi empori: propterea qui locavit alteri vasa vitiosa, tenetur ad restitutionem damni quod passus est conductor non admonitus de rei vitio. Item tenetur ad restitutionem damni secuti, qui equum affuetum se in aquam demittere, alteri locavit ad merces transferendas, non admonendo conductorem de vitio equi. *ibid. punct. 2. num. 1. 3. & 4.*

5. Locator tenetur non solum ad resarcierendas expensas necessarias factas a conductori in resarcienda re conducta, verum etiam ad resarcierendas expensas utiles quæ duraturæ sunt ultra conductionis tempus. Item tenetur ad onera & tributa imposita, pro re locata, nisi aliter convenierit cum conductori, vel nisi aliter postulet locorum consuetudo. *ibidem. num. 6. & 7.*

6. Locator non potest rem locatam repetere, nonandum finito locationis tempore, exceptis his casibus, ut quando conductor cui res ad quinquennium vel ad plures annos fuit locata, per biennium continuum ultra terminum præfixum

distulit solutionem pensionis debitæ pro re conducta ; quando conductor abutitur re conducta , ut quando tradit meretricem in domum conductam , aut alio pacto mutuitur re conducta ; aut quando locatori supervenit inopinatus eventus , quo ipsi necessè est domum suam habitare ; denique quando domus indiget reparacione , qua non indigebat tempore locationis , & reparatio fieri non potest , conductor expellatur domo . *ibid. n. 8 & seq.*

7. Conductor non potest uti re conducta , nisi ad eius usum , ad quem conduxit , nisi aliter coniciat de mente locatoris ; neque potest absque justa causa rem conductam dimittere , nondum expleto locationis tempore , quo exemplo tenetur pensionem solvere , nisi forte absque sua culpa non fuerit usus re conducta , aut fructus ex ea non percepit etiam aliquod impedimentum superveniens , ut propter bellum , pestem , &c. *ibid. punc. 3. num. 1. & 2.*

8. Qui famulos in necessitate constitutos , sequere ultro offerentes conducunt ad inserviendum minori pretio ratione ultroneæ oblationis quam alioquin conduxisserint ; videntur aliqua ex parte excusandi : quamvis enim necessitas non diminuat rei valorem , nihilominus ultroneæ merces vilescent , etiamsi tradantur ob necessitatem vendentis . *ibid. punc. 4 num. 6.*

9. Dominus expellens domo famulum nondum claps termino constituto , tenetur ad integrum mercedis solutionem , nisi forte ex gravissima causa adducatur ad ipsum expellendum . Sed , tenebitur ne dominus famulo habentia infirmitatem solvere mercedem pro tempore quo detinetur infirmitate ? Non videtur teneri , & in hoc casu standum est consuetudini & conventioni Famulus vero qui lapsus est in morbum , tenebitur ne transacto morbo , simulque claps termino ad inserviendum , tamdiu inservire , quamdiu prava usus et valetudine ? Non tenebitur , quia claps termino constituto cessat obligatio , cum terminus censeatur appositus ad finitam , non ad sollicitandam obligationem , ut in simili paret de obligatione jejunii . *ibid. num. II. 13. & 14.*

10. Locatio finitur vel claps termino , vel mutuo contractum consensu , transitque ad successorem universalem , qui gerit vicem praedecessoris ; at successor singularis , quiclibet succedit in re particulari , non tenetur stare contractui locationis celebrato ab eo , cui succedit in re particulari ; unde

demaritus qui accepit in dotem aliquam rem locatam quam ignorabat locatam esse, non tenetur stare locationi; censetur enim successor singularis: at conductor qui agrum seminavit, non potest ante collectos fructus, expelli ab emptore cui locator rem vendidit: intempestivè enim expelleretur. *ibid.*
punct. ult. num. 1. & seq.

ii. Minor vel pupillus, tenetur finita tutela vel cura stare locationi factæ à suo tutori, vel curatore; quia quæ tutor vel curator agit, non agit suo nomine, sed pupilli vel minoris: conceditur tamen minori restitutio in integrum, si notabiliter compererit se lœsum; & idem dicendum de Ecclesia, si lœla inveniatur. *ibid. num. 7.*

Locus sacer.

Vide v. *Immenitas.*

Ludere, Ludus.

Vide v. *Restitutio.*

1. Ludus est contractus, quo ludentes res suas periculo exponunt propter spem acquirendi rem alterius expositam ludo. Ludus generaliter sumptus non est illicitus ex natura sua; fieri tamen potest illicitus, mortaliter supposita rei gravitate, ex his circumstantiis; videlicet ex affectu ad malum, ad misceantur facta aut dicta prava, ut convicia, blasphemia, &c. Item quando intercedunt fraudes contra leges ludorum, quando alter dolo, aut vi, aut metu pertrahitur ad ludum, quando intervenit irreventia contra Deum, quando ludus exercetur cum eo qui non potest pecuniam ludo exponere, vel donare, vel alienare, & ratione periculi alicujus notabilis nocimenti. At ludus non fit illicitus mortaliter (præciso scandalo) ratione intentionis lucrandi, personæ loci sacri, temporis, &c. *to. 1. de restitutione in particulari, disp. 2. quest. 3. punct. 1 num. 1. 3. & seq.*

2. Ludi histrionum suntne liciti? Sunt liciti, si honestè fiant; fecus si turpiter & inhonestè, aut cum representatione turpium exerceantur. *ibid. num. 16.*

3. Clerici possuntne ludos larvales facere? Non possunt, dedecet enim personam Ecclesiasticam fictam personam